




THE DAYBREAK.



“Wankantanhan Anpao kin hiyounhipi”—Luke 1: 78

WOKAJUJU 50 CENTS.

Springfield, S. D., December, 1926

VOLUME XXXVII, NUMBER 9

ARCHDEACON TOIE

Hekta November wi Anpao okage cin en Bishop Watakpe yapi kte cin on takuku iwa-
ktaunniyapi, qa heon anpetu iyohi wocekiye
wan unpi kte cinwicakiyapi kin he ieska un-
nicicagapi. Tona skain Okodakiciye opapi
kin owasin unpi kta uncinpi.

Itahena National Commission etanhan wo-
wapi tona iwacu, qa hetanhan wowakta wo-
wacin unqupi onspa ieska unkağapi qa ihu-
kuya kağapi kin hena ee.

On wowaşıye econpi kta, na hunkakepi ti-
yata unpi kin Wakantanka wicitokapi un se
tawacin aibayena ikduzapi kta, qa Wakan-
tanka ikiyena un he awabdeza he; Iye
Toawanyake qa Towastedake awabdeza he;
Wicayusutapi en Iye Taniya etanhan wowa-
śake icupi kin he bdatanin he, iciwangapi
kta. Nitaokśau kokto ota Christ qa Taoko-
dakiciye itankan unpi. Hena etanhan Iye
Taokodakiciye eciyatanhan Christ en awica-
yahi kta yakuwa he.

Nakun tokata February, March, na April,
Bishop Watakpe yapi wocon kte cin itokab qa
icunhan Litany (Owocekiye) wan unpi kta
yaotaninpi kin nakun ieska unkağapi, qa
Wacekiye wicaśa, qa tiwahe owasin unpi kta
uncinpi.

Hehan hekta qon Bishop Watakpe Yapi on
taku śakowin kuwapi kte cin he unkoniciya-
kapi. Hetanhan iciyamni kin anpetu iyohi
Wowapi wakan yawapi kte cin hee. Hecen
Bishop Burleson tawiyukan kin on teken an-
petu iyohi onspa owotanla dawapi kta ca can-
kuyetontonyan ieska unkağapi kta qa detan
January wi kipiya okagapi. Hecel tuwe keśa
anpetu iyohi yawapi kta iyececa.

E. Ashlęy.

BISHOP WATAKPE YAPI ON ANPETU IYOHİ WOCEKIYE KIN

Wakantanka Iyotan-waśaka, tuwe Cinhintku
Jesus Christ maka akan peta uyin kta hi qon :
tokin nitaoyate wacinniyanpi kin, wocekiye
tawapi kin eciyatanhan, wobliheca okata wan
ile kta, na cante iyohila opta ijanjan yin kta
nin; hecel Nitaokolakiciye wakan iyoyanpa
tawa kin he wiyakpaya na okitaninyan aiyo-
janjan kta. Nicinksi Jesus Christ Itancan
unyanpi kin hee eciyatanhan. Amen.

O Itancan, Bishop Watakpe Yapi kin he Ni-
caje on econpi kin woyawaśte Nitawa uyakiye
kta iceunniciyapi. Watokahanpi qa wowaśi
econpi owasin Nitaniya Wakan kin on oju-
wicaya ye, kinhan woiwahoye tawapi kin wo-
kata bdiheca on iapi kta, hecen tona nahonpi
kin cante iwicalitake kta, qa heon woiyopeici-
ye wowicake, qa tonipi waecaniconpi kin en
awicahipi kta, qa he eciyatanhan, Wotanin wa-
śte nitawa yaotaninpi kta, qa Nitokiconze kin
he yutankapi kta, Jesus Christ Itancan un-
yanpi kin hee eciyatanhan. Amen.

JAPAN, WAHPE KAGA

Kyoto, Japan, St. Agnes wicincana owaya-
wa kin wanna waniyetu wikemna zaptan sam
nom hebanyan iyopte, tuka de nakaha iyotan
wicota ed wayawapi opawinge sakpe sam wi-
kemna yamni sam wanji henakecapi.

BISHOP WATAKPE YAPI ON LITANY

O Wakantanka, Mahipiyata Ateyapi kin, tu-
we wicaśa owasin wicakege ca wahitani sa
wanjina ta yacin śni kin.

Onsiunda miye.

O Wakantanka, Cinhintku kin, tuwe wicaśa
owasin niye en ahipi kta e Canicipawega akan
yuwankantupi qon.

Onsiunda miye.

O Wakantanka, Woniya Wakan kin, tuwe
iyoyanpa tawa wicaśa aiyowicajanjan, qa
owasin nihakab upi kta e niho kin on wica-
yakipan kin.

Onsiunda miye.

O Wakan, qa yamni nitowitan tanka kin,
Ate, Wanikiya, Wicakicanpte, Iyoyanpa, Wi-
coni qa Wookiye unkitawapi kin.

Onsiunda miye.

Itancan, waunhtanipi qa Nitacanku etanhan
unnunipi kin, wicayeco kin en nege unkpapi,
wohtani nitawa kin on unkajapi, qa Nitawo-
waśi ewauncinpi śni kin hena kiksuye śni ye.

Itancan waśte, naunyañonpi kta iceunniciyapi.

Toktokeca teliya qa waonśida śni wicayasu-
pi owasin etanhan, wicaśa ekta cantewanin-
ya, itokanyan tokaśniyan waciawicakiyuza-
pi etanhan.

Itancan waśte eunkdaku miye.

Wocetunkda qa wowicadaśni wicetawacin owa-
sin, Wakantanka qa wicaśa ekta wacintanka
śni qa wayaśihtiupi owasin etanhan.

Itancan waśte eunkdaku miye.

Nitaoyate owasin tukten unpi kaśa wowicada
qa wobdiheca tecaya on kikta wicayakiye kta;
qa toktokeca Nitaokodakiciye ekta awicahipi
kta; qa on Nicinksi Tokiconze kin yutankapi
kta; hecen iyoniciپی kta.

Itancan Waśte naunyañonpi kta iceunniciyapi.

Tiwahe unkitawapi Woiyojanjan, Woiyuśkin,
qa Wookiye nitawa kin on dawaśte kta; qa un-
cineapi Nicinksi wosdonye tawa ekta awicahi-
pi kta, hecen untipi kin tukten Wakantanka
iyokipiya onnye kta heca kta hecen iyonici-
پی kta.

Itancan waśte naunyañonpi kta iceunniciyapi.

Nitaokkiye qa Nitaakicita wacinyepica heunca-
pi kta unkieiconzapi; wayataninpi qa wowaśi
econpi kta on Nitaniya wakan unqupi, qa wo-
waśtedake wiconi Wakiconzapi on wodunyan-
pi he unkiksuyapi kta onnyakiyapi kta hecen
iyoniciپی kta.

Itancan waśte naunyañonpi kta iceunniciyapi.

Wakancekiye omniciye unkitawapi kin owa-
śin Nitaokodakiciye en wakanyan ohonidapi
cinpi kta, qa wodakota kin he en toktokeca
iyowaśya awicahipi wicayuhicapi kta e Nita-
niya wakan awicayakaśtan kta hecen iyonici-
پی kta.

Itancan waśte naunyañonpi kta iceunniciyapi.

Oyate kin nikiyena awiccan kin, qa iyepi
toktokeca nikiyena upi kta akitapi icunhan
Bishop Watakpe Yapi kin dawaśte kta hecen
iyoniciپی kta.

Itancan waśte naunyañonpi kta iceunniciyapi.

Wakantanka Cinhintku, naunyañonpi kta
iceunniciyapi.

Wakantanka Cinhintku, naunyañonpi kta iceun-
niciyapi.

O Wakantanka Tacincana tawa kin, maka
etanhan wohtani yutokan iyeyaye cin, Woo-
kiye Nitawa kin unqu miye.

O Wakantanka Tacincana tawa kin, maka etanhan
wohtani yutokan iyeyaye cin, onsiunda miye.

N. W. C.—N. C. F.

Payments to Nov. 20, 1926.

	N. W. C. Quota	N. W. C. Paid	N. W. C. Quota	N. W. C. Paid
Cheyenne	\$650	\$604 01	\$650	\$480 03
Crow Creek	450	403 01	250	164 03
Flandreau	50	62 43	50	55 92
Lower Brule	250	153 49	200	145 57
Pine Ridge Agency	800	361 89	600	189 31
P. R. Corn Creek...	300	381 72	200	483 22
Rosebud	1050	573 16	800	385 17
Santee	600	188 91	450	168 27
Sisseton	450	194 50	250	120 00
Standing Rock...	700	801 26	550	526 58
Yankton	700	436 46	500	368 00
Other sources		48 14		299 57

6000 4208 98 4500 3385 67

PRAYER AND GOD'S OMNISCIENCE

Wakantanka Owancaya Towasdonye Qa Wocekiye

Lukas 11:9-13 Yawa Wo.

Wicanagi Wakantanka etkiya ye kte cin
wocekiye eciyatanhan kta. Hecetu kin he
woksapa owotanna qa wokaği yuicage śni.
Tohan wocekiye kin he Wakantanka tok-
en wacin unkiyuzapi kin yutokeca kta icuwa,
se owauncinpi eca behand wośkiśke kin hiyu
ece. Decetu, otokaheya hecin cin ed Wakan-
tanka wookahniğe iyenakeca tawa on, taku
uncinpi kin sdonye woawacin kin he. Wakan-
tanka taku unkiwaśtepi kte cin sdonya hecin-
han tokae ceunkiyapi kta he?. Okini eś Wa-
kantanka inaliniauppi qa wakikśuye kiciyapi
kta iyehantu śni yadapi kta.

Woayupte wanjidan, Wakantanka sdonye
kin he iyenakeca śni unkiyepi heca sdonunki-
yapi kta kipi qa Wakantanka taku cin kin
onspe unwacinpi kta. Toketuya kaśta iye to-
waśte kin unkakaśtanpi kta cin woawacin un-
hapi naceca. Tuka taku ota unkieupi kta
iyeunhantupi śni kinhan iye nqupi kta oki-
hi śni. Owotanna niunpi eya wicakeya tan-
yan unpi kin he Wakantanka kici akipitan
htanipi kin hee.—The Living Church.

AFRICA EN SAHDAŚA OITANCAN WAN

Decadan Africa ekta Sahdaśa (English) oi-
tancan wan decen woawacin yuhe. Iyewicaśi-
pi oyanke kin hena waśte śni qa tiyata Chris-
tian kin hena oyate waaśapapi wicayawa.
De oitancan taokkiye kin wamanica ocinśica
takpepi qa wicaśta Wakantanka sdonyapi śni
eya hi eśta canku icahda te kta kecinpi qa
aktapi śni. He iyohakam hetanhanpi nom
Christian hecapi hipi, okodayapi kin on, oi-
tancan kin de togye waawacinyapi.

ANPAO KIN (THE DAYBREAK)

SPRINGFIELD, - SO. DAK.

REV. JOHN K. BURLISON, Springfield, S. D. }
REV. PAUL H. BARBOUR, Springfield, S. D. } Editors.
REV. LEVI M. ROUILLARD, Rapid City, S. D. }
REV. JOHN FLOCKHART, Greenwood, S. D. } Business Manager.

THE DAYBREAK is published in the interest of the Protestant Episcopal Church among the Sioux Indians of the Northwest.

The subscription price is 50 cents per year, two years one dollar.

Wi akenonpa (one year) eca kašpapi zaptan kajujupi kta.

Wi wikeemna nonpa sanpa topa (two years) eca mazaska wanji kajujupi kta.

Money Order, Greenwood, S. D. on opeton-pi qaiš wowapi askape Rev. John Flockhart yekiyapi kta.

Printed at the office of the Santee N. T. S. Press, Santee, Nebr.

ENTERED at the Post Office at Santee, Nebr., as second class matter, and accepted for mailing at special rate of postage provided for in Section 1103 Act of October 3, 1917, authorized May 17, 1920.

ANPETU IYOHI WOWAPI WAKAN TOKEL OKIYUSPEYA OWO- TANLA YAWAPI KTA

Christmas iyohakab Anpetu wakan inonpa kin.

Wowilaže na Cincayapi on iciwanyakapi.

Anpetu wahan, Jan. 2. Galatia 4: 1-7.

Abba-Ate-eyapi kin he woeye iyotan heca.

Anpetu tokaheya, Jan. 3. Roma. 6: 16-23. Woahitani wokajuju na wiconi owihanke šni wawicaupui oiwanyake.

Anpetu inonpa, Jan. 4. Heb. 2. Wokokipe on iyakaškapi na wookiye on woape kin oiwanyake.

Anpetu iyamni, Jan. 5. Roma. 8: 1-15. Wicacehi na Itancan icazopi kin oiwanyake.

Anpetu itopa, Jan. 6. (Epiphany) Ephesos 3: 1-24.

Oyate wicakahiŋiŋapi na "wicaša oyasin woi-yowaja tawapi kin."

Anpetu izaptan, Jan. 7. 1 Johannes 3: 1-24. Woahitani wokajuju na wiconi on wocon kin oiwanyake.

Anpetu isakpe, Jan. 8. Ephesos 6: 10-18. Waciniŋiyapi na Wakantanka Tawipe wacin-yanpi iciwanyankapi.

Epiphany iyohakab Anpetu wakan tokaheya.

Wošnapi niun wan.

Anpetu wakan, Jan. 9. Roma 12: 1-5. Wicatanca skaya wošnapi.

Anpetu tokaheya, Jan. 10. Phillipi 4: 1-9. Wicatanca ecela wošnapi.

Anpetu inonpa, Jan. 11. Johannes 14: 15-31. Iyowiŋiyahan woanaŋoptan.

Anpetu iyamni, Jan. 12. Phillipi 4: 1-11. Woitanca on ipiiŋilapi.

Anpetu itopa, Jan. 13. Lukas 18: 18-30. Woyuha kin on ipiiŋilapi.

Anpetu izaptan, Jan. 14. Psalm 107. Woyatan na wopila wošnapi.

Anpetu isakpe, Jan. 15. Heb. 10: 1-25. Wošnapi eetu hea kin.

Epiphany iyohakab Anpetu wakan inonpa.

Wiconi eciyatanhan tokel awauncinpi.

Anpetu wakan. Jan. 16. Roma 12: 6-16. Christ etanhan unqonpi kin wiconi on tokel awauncinpi.

Anpetu tokaheya, Jan. 17. Jakob 1: 19-27. Iye iyatayela wakan-ekiye-woohola on awa-uncinpi.

Anpetu inonpa, Jan. 18. Kolosse 3: 12-25. Tiwahe okage on tokel awauncinpi.

Anpetu iyamni, Jan. 19. Markos 12: 28-34. Unkikiyenatipi waštelakapi on awauncinpi.

Anpetu itopa, Jan. 20. Jakob 2: 19-26. Wakantanka kolayapi on awauncinpi.

Anpetu izaptan, Jan. 21. 1 Korinth 3: 1-17. Okolakiciye wakan kici waeconpi on awauncinpi.

Anpetu isakpe, Jan. 22. Titos 3: 1-8. Citizen heuncapi on awauncinpi.

Epiphany iyohakab Anpetu wakan iyamni.

Christ etanhan oni kin on woonspe.

Anpetu wakan, Jan. 23. Roma 12: 1-8. Tankaŋilapi eekiya onšiiŋilapi woonspe.

Anpetu tokaheya, Jan. 24. Glinapapi 23: 1-8. Wošica eekiya wowašte woonspe.

Anpetu inonpa, Jan. 25. Olan. 9: 1-22. (St. Paul Taanpetu).

Ohitiŋilapi eekiya waanaŋoptanpi woonspe.

Anpetu iyamni, Jan. 26. Markos 9: 38-50. Woškanškan eekiya wookiye woonspe.

Anpetu itopa, Jan. 27. Wicoicage 45: 1-15. Watokiŋonpi eekiya kiciŋajujupi kta woonspe.

Anpetu izaptan, Jan. 28. Heb. 8: 1-13. Taku makata un kin eekiya taku mahipiyata un kin on woonspe.

Anpetu isakpe, Jan. 29. Roma 8: 28-39. Wicaktepi eekiya woohiye on woonspe.

SYNOD OMNICIYE KIN

September 26, 27, 28, 1926 anpetu hena en Sioux Falls en Sixth Province of the Northwest, Skain Okodakiciye Wakan obašpe dena witaya omniciye tanka wan yuhapi Minnesota, Duluth, Iowa, Nebraska, Colorado, Montana, qa Missionary districts kin, Western Nebraska, South Dakota, North Dakota, qa Wyoming. Dena etanhan Bishop unpi kin qa uwi-cašipi otowwe hen kiwitayapi qa omniciye oiyokipi tanka wan yuhapi. Isantanka makoe imahen Okodakiciye Wakan un kin en ataya Bishop Itancan (Presiding Bishop), The Most Reverend John Gardiner Murray he en hi qa omniciye owasin en un.

Anpetu wakan hanhanna kin he tokaheya wacekiyapi, qa Bishop Murray he wahokon-wicakiya. Wowapi wakan oehde on kin he Ohanyanpi 2: 47 "Unkan Itancan kin tona nipi kte cin heca, anpetu otoiyohi, Okodakiciye kin en ope wicakiya." Dehan token Okodakiciye Wakan kin icah ye cin he caŋeyata.

Hanhanna iyohi šakowin apa sam hanke Wotapi Wakan icupi. Bishop hipi kin wanji itokto okiciya yuwakanpi, qa wicokeota icupi. Omniciye iyotan kin owasin Calvary Cathedral hen ece yuhapi. Omniciye wanjigji atokan econpi; Wotapi Wakan wanjigji, qa okašpe mniciyapi etanhanhan. Tka woowohdake tankinyanyan kin hena tipi wakan tanka kin hen ece eyapi. Okitaninyan wicašta eya wacyapi kin hena deepi, Bishop Murray, Bishop Bennett, Bishop Darst, Bishop Johnson, Professor Albert Parker Fitch, qa Rev. F. W. Clayton. Woawacin pazopi kin wanjigji dena ee. Tiwahe, Okodakiciye wakan, qa Woonspe; Teca icagapi token dehan wicoŋan wakan en škiniŋiyapi kin; Okodakiciye wakan qa wicašta iyatayedan; Okodakiciye wakan qa oyanke wan; Okodakiciye wakan qa maka sintomniyan; Bishop Watakpe Yapi, okodakiciye wakan ihduhicapi kta; dena iwohdakapi.

Anpetu tokaheya itayetu en tipi tanka wan en wica qa winyan witaya opawinge zaptan een wota iyotankapi. He en nakun wicašta okitan'et anhan wohdakapi.

Winyan kin nakun omniciye tankinyanyan yuhapi; hena en ataya itancanpi hena yuha škanpi.

Bishop Longley of Iowa he ake Synod okašpa kin en omaka yamni hehanyan itancan kta kaŋuigapi; qa Rev. Mr. Knickerbocker he wowapi kaŋe kta yuštampi. Nakun Rev. Mr. Knickerbocker he National Council en ope kta kaŋuigapi.

Omniciye dena en taku ota econpi, eyapi, qa yuštampi. Tka iyotan mniciyapi dena en taku wanji yušta pica šni, tuwe owasin he amdeze kin, qa yuha awacinyan hdapi kin he, witaya hipi, yankapi qa wacekiyapi, dowanpi oiyokipi, wowaditake on wicoŋan waštešte econpi ohdakapi, wowacinibošake waninya wowakan wicoŋan kin inyanke cin, dena oyakapi icunhan Woniya Wakan kin tipi wakan en un, woksape wakan kin icipazo, taku keeka heca šni wan tanin; Wakantanka Cinhintku woonspe tawa wicaqu. Omniciye wanjigji en wicašta wohdakapi taku woimaŋaga woihaŋa eyapi tka aikoyagya wowakan woacin hena ipasisapi on etanhan wicašta tawacin qa cante hena iwicacupi.

South Dakota imahen Skain Okodakiciye unpi kin omniciye deedan ihankeya tanka qa oiyokipi yuhapi seca. Tokata omaka kin han ake Synod kin de Minneapolis, Minn. hen mniciyapi kta. L. R.

WOWASAKE ON WICAKICOPI KIN

Hokuwa wicašta tom, Galilee hde kin akan unpi. Taku on okitaninpi kte cin atanin šniyan wanka. Ikeeya unpi iyecen tanin hinhdapi. Qa tuwedan dena Okodakiciye Wakan waditaga oahiyu icunhan hena oitancanyan wahošiyepi kin eepi keciapi šni. Iyepi ed wahošiyepi itancanpi šni. Heca wicakaŋapi kin he Wakantanka, iyepi etkiya oškiniŋiye kin hee. Wicayuhomniŋi oape cistiuna wan ed hena wookibi teca wicaupui. Hoicuwa tawapi etanhan Jesus wicakico icunhan. Ekta ŋpa hekta-kiya akibdezapi kinhan heyapi kta naceca. Unkiyecinka taku kin de unhiyohipi šni tka Wakantanka decen unkaŋapi.

Tuwepi kašta Christ ihakam yapi oni qa wocon iyojudan iyohpayapi kin hecen oihdakapi kta iyececa. Christ ihakam yapi oni kaŋapi kte cin on taku cinpica kin hena wiconi eciyatanhan u. Tuka Christian hecapi kta woawacin qa wowašake kin hena Wakantanka wicaqu ece.—Rev. Stanley Brown Sorman, in The Living Church.

ROSEBUD WOTANIN

St. Philip. Mr. Clay Yellow Eagle na Mrs. Gertrude Yellow Eagle cincapi wan muiakaštampi, August 15, 1926. Le Rev. J. B. Clark wicakiciyuštan. A. T. H.

Anpao Kola: Wicoŋan wašte oyaka iyonici-pi kin heon ake taku wanji olakin kta lo.

Nov. 7th Anpetu Wakan kin el St. Agnes Tipi Wakan el oikiŋiya wocekiye econpi Rev. Mr. Lambert ekta hi canke iye wocekiye kin econ, Catechist wan St. Agnes Tipi Wakan awanyake kin onton canke wocekiye econ kin okihi šni kin heon Mr. Lambert eakicon.

Wocekiye ohakam Mrs. Presho lila wapikila on wotapi wan wicakicage. Hekta iye cinca wan lila wayazan na ŋe qon, hehan St. Agnes Tipi Wakan el oyate kin okiyapi heon. Wicaša yamni lila tanyan wicoŋan le on woglakapi, hena Mr. James Railroad, Mr. John Search Enemy, na Mr. George Little Eagle eepi. Ohakam Rev. B. P. Lambert tantanyan woglakapi heon lila pila ia. Lena wocon kin iyuha olowanna wocekiye ko on tanyan iyopteyapi.

Mitakuyepi, wocekiye nitawapi on St. Agnes el oyate kin wicakiksuya piye. Lakota oyate yaunpi kin tohanl wayakipapi canna wocekiye on wicakicaŋpta po. Wocekiye on hececa kin wowašake yuŋin kta, na heconpi kin wacin-yan econpi kin he iyotan wiyokihi.

Rev. B. P. Lambert wanna waniyetu ota tka wawokinyin kta ohirni winyeya on ece. Wicaša lececapi kin hena wowakan kin yuhapi canke tehanhan tanyan niunpi unkecinpi onšiwicakila po. Wanna ecana henalapi kta wan taninyan u. Wacekiye wicaša wicahcapi hena wicawake.

Ho, Anpao, wayaotania wicaluha canke le hececa uniciye lo Rosebud oyanke el wayaotaniŋipi kin cante wašteya nape niyuzapi lo. Niobrara Deanery el oyate yaunpi kin.

G. D., Pub. Chmn.

Nitakoda Anpao yuha he. Cinyakiye cinhan wašte kte.

Omaka wanji kinhan kaškapi saptan.

MNAJA YUKE WAYAWAPI SNI

Lake Nyasa, Africa tiospaye en, de omaka otokaheya ekta wapa, owayawa caje owicawapi kin en decen on yuganpi, "Mnaja yuke cin ou wayawapi sui." Tohan Wayawa tipi wankantu Yewicasipi oyanke etanhan, Yesipi qon hi, ehan decen iyeye, mnaja wan wi nom icunhau wicašta akešahdogau wicakte, nakun eš tuktekte tipi tice akalipetonpi eikeistinna kin hena iyadi qa mahed i ece. Oyanka waji iyotan ed tiospaye kin ataya Christian wonspekiye ti kin en onapapi.

ST. ANDREW OITANCANPI

Crow Creek: Christ Church: 1, F. C. Loudner; 2, Arthur Call Him; 3, Roland Little Elk; 4, Len Bliss.

Santee: Holy Faith: 1, Felix Hemans; 2, John Campbell; 3, Frank Rouse; 4, Eugene Hoffman.

Blessed Redeemer: 1, Gabriel Rouillard; 2, Thomas Goodteacher; 3, Levi Goodteacher; 4, Stephen Redwing.

Most Merciful Saviour: 1, William Whipple; 2, Joseph James; 3, Stephen Moose; 4, Cyril Rouillard.

PINE RIDGE MISSION

Western Christian Unity kin, Cleveland Memorial Church okna, Nov. 10, 11, 12, 1926.

Nov. 10, 1926, 7:00 p. m. Htaye tu wocekiye, Rev. S. King, Harry L. Soldier, na Jos. Brave Heart. Ikiciyuskinpi woeye, Herman Water. Woayupte, Jos. Brave Heart. Iyaza omani kin oiglakapi, Paul W. Magpie, na Fred S. Point, na lena Wopila ewicakiyapi. Tuwe wiconi tawa tehila kinhan, he gnuni kinhan, he wiconi gluhe kta, he wiconi on Christ tawoope kin, Amos G. Bear. 10:00 p. m. Wocekiye Ptecela, Rev. S. King, na ekiknakapi.

Nov. 11, 1926, 9:00 a. m. Olowan na Wocekiye, Fred S. Point. (1) Tipi Wakan oyanke el, Christian wan wicohan tawa kin, Fred S. Point. (2) Niobrara Deanery el, Christian wan wowaši na wicohan tawa on okiyin kta on, Amos F. Horse. (3) Oyate ataya wakiya omniciye el, Christian wan woiwanyanke tawa on wowakiyin kta ca on, Asa T. Fingers. (4) Jesus Christ Wowanikiye tawa el Christian wan wicohan tawa on, Oyate ocaje owasin el awicau kte kin, Harry L. Soldier. 11:30 a. m. Olowan, 150. Kalnihi hipi kin mazaska egnakapi, \$1.55. Mazaska awanyan. ke kin oiglake, ataya womnaye kin, \$82.65 keye. Itancan kin, Amos Fast Horse na Asa T. Fingers henaos wicakahnige, na Mazaska Awanyanke kin pasipi kta keye. 12:00 m. Wicokan Wocekiye, Jos. Brave Heart. 2:00 p. m. Olowan na Wocekiye, Rev. S. King. (a) Mazaska pasipi kin oiglakapi, na wowapi wan on yawaštepi, \$82.65 he, na Wošna kaga Waawanyanke kin yekiyapi kta on. (b) Program Committee unma, Amos G. Bear oiglake na \$1.35 on woyusote kagapi keye. (c) Oitancan wicakagapi, lena wicayustanpi. Itancan, Herman Water; Itancan okihe, Asa T. Fingers; Wowapi kaga, Fred S. Point; Mazaska awanyanka, James Yellow Horse; Program Committee, Paul W. Magpie, na Jos. B. Heart. 7:00 p. m. Htaye tu Wocekiye, Jos. Brave Heart na Harry L. Soldier. 8:00 p. m. Christian Iwaštepi Woceon, on Rev. S. King woiyaksape eye, na Asa T. Fingers woglake. Le ohakab Herman Water yus icupi, na takuku mnaye, na hece gla woimagaga econpi. Le el ihapi ota on page wicayazan. 10:00 p. m. Tiwabe Wocekiye, Paul W. Magpie.

Nov. 12, 1926, 9:00 a. m. Olowan na wocekiye, Paul W. Magpie. Iyaza omani wicakahnigapi, Clarence H. Enemy, na John E. Louse, henaos wicayustanpi. Ti kalniigapi, na St. Jude Station el yustanpi. 10:00 a. m. Wotapi Wakan, na wowahokonkiye kin, (Wolakepi on), Rev. S. King Okašpe ecel wicokuje, na Thomas Burns Prarrier Cleveland Memorial etanhan te kin on, henakiya on wocekiye. 1:30 p. m. Asa T. Fingers, Cleveland Memorial Oyate kin wopila ewicakiyapi kta eye, na Paul W. Magpie okihe, na on Wopila eyapi. Rev. S. King, wocekiye eye kin, Oitancan lecalapi on, eye, na woyawašte. Iyuskinyan napekiciyuzapi na enakiyaip. Asa T. Fingers, Sec'y.

WEST TEXAS ETANHAN

Texas Wiyohpeyata Tawaiçiyapi Okašpe (Diocese) kin he hokšidan wan James Westbrook, eciyapi yuha. Wanuyampi icaliya ti kin etanhan Menard, Texas makivotapi wicemna nom heciya Calvary Okodakiciye owayawa (Church School) ekta Anpetu Wakan iyohi ye qa icicawin hdi ece. De Okašpe Tawaiçiyapi kin ed okini tuwe tehantanhan Church School ed katingan skan ohiya tanka hecen hdaotanpi. Nakun eš makowancaya ohiya nacece.

ST. PHILIPS CHAPEL

Lake Andes, S. D., Oct. 13, 1926.

Mağa Ska, el Winyan Omniciye unpi kin oitancan apiiciyapi. Itancan kin Florence La Grand, Itancan Okihe kin Ellen Spotted Eagle, Wowapi Kaga kin Blanche Spotted, Mazaska Awanyake Julia Deloria, Wokagege Awanyake Maggie Ellis, na Sophie Walkers. Wamnayapi kte cin Eunice Stone, Mary Spotted Eagle, Mary La Grand na Lizzie Fluiry. Lenakeca omaka kin de ed Wakantanka caje on wowaši econwicasipi heon ito mitakuyepi tukte etanhan keceyas dehand ake Winyan Omniciye unpi kin ake piya inajinpi kte cinpi un wicohan wicauqi, yunkan hena iyuha tanka ye, tka, tuwe wan ableze šni cana hena ciqala kecin, na tona itancanpi kin hena ecela wankantuya kecinpi na ihukuya wowaši owasin unqupi kin el ewacin šni na tanyan econ wacin šni unpi kin hecetu šni ye. Mitakuyepi hena iyuha Wakantanka caje kin on econuši, canke, ni waun kin el taku wan tewahinla kte cin hena isanpa wicohan wan maqupi kin le tokaheya bluha kta maqupi kin blušake kte šni na ohinni šabwaye kte šni, iwakihuni kte unkecinpi kte. Mitakuyepi ecin "Wowapi Wakan" el taku eye cin hena yuha wowaši econqupi kte, kinhan heon waunšakapi kte ye. Lena iyotan awauncinpi kte ye, "Tona onšihanpi kin hena wicayawaštepi; maka kin de tawapi kta," na akeš "Tona cante en ecepidan kin hena wicayawaštepi; hena Wakantanka wanyakapi kta." S. Matt. 5:5-8. Ihopi mitakuyepi, omaka kin le el winyan omniciye wicoie kin lena yuha inaunjin wauncinpi kte ye. Tona iyotan oinitancanpi kin hena iyotan bliheiciyapi. Owasin hein napeiyuzapi.

Mrs. Julea Deloria.

WINYAN OITANCANPI

1, Itancan; 2, Itancan Okihe; 3, Wowapi Kaga; 4, Mazaska Awanyake; 5, Oitancan unmapi.

ROSEBUD

St. Matthew: 1, Mrs. Sophie Kills Alive; 2, Mrs. Zallie Knife; 3, Mrs. Katie Spotted; 4, Mrs. Annie Schmidt; 5, Miss Olive Manard, Mrs. Annie Two Hawk, Mrs. Lucy White Horse, Mrs. Julia Knife.

Trinity: 1, Mrs. Anna Lambert; 2, Mrs. Little Eagle; 3, Mrs. Flora Driving Hawk; 4, Mrs. Mary Green; 5, Mrs. Clausen, Mrs. Hattie Marcus, Mrs. Lucy Kimmel.

PINE RIDGE

St. Peter, Winyan: 1, Mrs. Jennie L. Finger; 2, Mrs. Mary Brave Heart; 3, Mrs. Lottie Rabbit, Miss Elizabeth H. Enemy; 4, Mrs. Jessie L. Finger; 5, Mrs. Alice W. M. Bear, Alice H. Cat, Julia K. C. T. Lodge.

St. Peter, Koškalaka: 1, Mrs. Clarence H. Enemy; 2, Mr. John L. Finger; 3, Mr. Harry J. Bull, Mr. Fred S. Pointed; 4, Mr. John Brave Heart; 5, Mr. James T. Club, Mr. Levi R. E. Horse, Mr. Moses K. C. T. Lodge.

CHEYENNE

S. Thomas, 1, Susie Garreaux; 2, Jessie Garreaux; 3, Annie Garter; 4, Amy Good Bear; 5, Nellie Brugier.

Emmanuel, 1, Josephine Iron Bird; 2, Alice Mound; 3, Julia Swan; 4, Louise Warrior; 5, Mary Swan, Caroline Maupin, Lucy Jewett.

NOTICE—Special Offer! Make Money for your Women's Society or Brotherhood! Get Subscriptions to Anpao.

For every Ten Subscriptions you get for Anpao Kin, for which you will receive Five Dollars, send to Mr. Flockhart the list of ten names, with only Four Dollars, and keep the other Dollar for the use of your Society.

In this way you will help both Anpao and yourselves.

ST. ELIZABETH'S MISSION

Wakpala, S. D., hekta November 23d, 1926 qon he ehan wicincala cikala wašte wanjila unkitapi Florence Garnet Little Bear. Na Wopila Eyapi Anpetu kin icunhan hapi, na Wicahapi wocon kin he Reverend William Holmes kiciyustan. Wicincala kin le atkuku na hunku kin St. Elizabeth Owayawa el wayawapi heconpi. Canke owacekiye ohanyan walitaye wowaši econpi tka lehanl woiyokišice el unpi kin on etanhan tona Anpao iyacupi hecena wicayeksuyapi kta wacin yelo wocekiye eyapi canna. Nitkolapi, Isaac Hawk, Chairman Pub. Com.

Jesus Christ, en tohan wan kinhan mini wiconi oahinape Iye kin awabdeza he? Wotapi wakan iwacn ece, napooštanna ohna wowacin ye wahdohi. Sanpa wopiye tanka awai šni kin on, napooštanna ojudan wowašte icicawin waahdi.

ROSEBUD WOTANIN

Taku wangi oyakiye, oyate kin yawapi na iyuskinpi kte lecala. October 22-24 anpetu kin el, Rosebud Mission itimahel, St. John's tipi wakan el, Owancaya Omniciye econkonpi.

Wicaša winyan otapi, oiyokipi, wicohan wašte ota econpi. Taku wangi iyotan wašte econpi sa, he wicašte, wayazankapi, na wocante šica yuhapi kin wicaksuyapi, na Anpetu Wakan hel wocekiye eyapi, kin el opapi, hena iyotan slolwicunyanpi heon.

Tohanl omniciye kin le mazaska opawinge yuha canna wowilagye lo. Wanna ake opawinge yuha kin, heon \$50 wawokiya na koškaitancan tawapi, na unma \$50 he tipi wakan, omniciye tipi, naiuš takuku hececa on econpi, iye omniciye tokel wašte kta ogn ayal yustanpi ece.

Nakun omniciye lecala econpi kin le el itancan apiwicayapi. Rev. B. P. Lambert, Mission Council etanhan itancan yanka hekta omaka kin el. Itancan okihi wan oyate kin cajeyatapi, he Okreek etanhan, Mr. Charles Moore e yustanpi. Hekta omaka el wowapi kaga nompapi kin, hena Mr. George Decory, Lakeview etanhan, na Miss Cora Big crow, Norris etanhan. Lena hecena wowapi kagapi kta 1927 el. Oyate kin tewicahilapi nakun Mrs. Lucy Kimmel wanna waniyetu ota mazaska awanyake he tehilapi.

Ho hecel oyate Niobrara Deanery el yaunpi kin, Rosebud el owancaya Omniciye el tuwepi le omaka 1927 el itancanpi kin slolyayapi kta. Wi yamni canna omniciye econpi he icunhan nakun winyanpi kin iyatayela Omniciye yuhapi. Nakun B. C. U. nakun Tecapi Omniciye wanna taninyan aya. Lecala omniciye kin le el wošna kaga waawanyake, Rev. J. B. Clark opa šni. Tawicu Mrs. Clark titakuye tehi wakipa ota he nayahonpi seca Mrs. Clark šicacu wan cinca nonpa om mini tapi. Hekta wakanhejapi kin iyewicayapi, na lecala atkukupi kin tehanl icoha iyeyapi. Heon ake Mr. Clark ekta iyaya canke leca. Omniciye opa šni heon omniciye kin lila Mr. and Mrs. Clark wocekiye ištaminihanpi ko on wicakiksuyapi onšika Mr. Clark lila opta on, tehantu canke mazaska ko ota glusotapi. Mitakuye wocekiye on wicakiksuyapi ye.

Ho hecetu. Anpao lila wopila eciçie lo pilamayayelo. G. D. Pub. Chmn.

ALL WHO CAN
READ ENGLISH
SHOULD SUBSCRIBE FOR
South Dakota Churchman
SEND \$1 TO
W. D. SWAIN, Box 517,
SIOUX FALLS, S. D.,
And receive this splendid paper
for one year.

Aanpo duha he. Duhe kte iyececa

Okolakiciye Wakan Kin On Wiwicawangapi Wan

Woonspe Iakewanji—Okolakiciye Wakan Oitancanpi kin

Continued from the November Issue

W. Jesus wankal kigle šni ecel taokiyewicaye cin tokel econwicaši he. (Matt. 28: 20.)

A. Oyate oyasin Baptisma wicakupi kta na taku tona econwicaši kin oyasin yuhapi ktae onspewicakiye wicaši.

W. Okolakiciye Wakan on Itancanpi kta e Jesus tuwe tokaheya kašniğa he.

A. Wahošiye Wakan akenonpapi kin, hena wicayuwakan na maka owaneaya el Okolakiciye Tawa kağapi na oyate wahokonwicakiyapi kta he yewicaši qon.

W. Christ tokel wahowicaya he. (Matt. 28: 20.)

A. "Iho, anpetu oyasin cieipi waun, maka owihanke kin hehanyan."

W. Wahošiye tehan nipi šni hecel woiwahoye kin le etanhan taku unkiyukanpi kta iyececa he.

A. Tona wicahakab unpi kte cin, maka ihanke kin hehanyan woiwahoye kin iyowjapi he unkiyukanpi.

W. Okolakiciye Wakan kin he maka ihanke kin hehanyan yin kte cin on etanhan toketu he.

A. Hehanyan oitancan owecihan unpi kta hececa.

W. Wowapi Wakan el Wahošiye akenonpa cajeyate cin, nakun tokeca cajewicayata he.

A. Ho, Matthias, Judas tohe yuhin kta kašniğapi qon he.

W. Nakun tuwe wahošiye kta kicopi he.

A. Palos, Wakantanka tawacin kin eciyatanhan Wahošiye kin heca e kašniğapi. (1 Korinthos 1: 1.)

W. Nakun tuwe. (Ohan. 13: 1.)

A. Barnabas.

A. Lenios tuktel Wahošiye cajeyatapi he.

A. "He Wahošiye kin, Barnabas Palos kici, nahonpi qehan wokoyake aiglupotapi." (Ohan. 14: 14.)

W. 1 Thess. 1: 1. qā 2: 9, el Wahošiye hecapi tuwepicajeyatapi he.

A. "Palos, Siluanos na Timotheos."

W. Philippi ekta Okolakiciye wakan el tuwe wahošiye heca un he. (Philippi 2: 25.)

A. "Epaphroditus, tuwe u yašipi, 'he Hellenes iapi el Apostle, Wahošiye he kapi.

W. Theodoret, Cyprus el Bishop un qon na omaka opawinge izaptan icunhan, Epaphroditus on tokel eya he.

A. "Philippi oyate kin el Epaphroditus Wahošiye kašniğapi, Episcopal wicohan qupi, Bishop tawapi kin he iye; Lakaš lehan tona Bishop ewicunkiyapi kin ehanna Apostoloi, Wahošiye cajewicayatapi qon.

W. Andronikus na Junia he-nios on tokel eyapi he. Rom. 16: 7.

A. Andronikus Junia kici mitakuye, wahošiye kin owicapeya yuonihanpi kin hena nape wicayaza po."

W. Oegle wakan kin lena taku yuwicakapi he.

A. Wahošiye wicohan kin he, akenonpapi qon isnala unpi kta, wanjiksi eyapi kin he ognaye šni; tuka wicohan kin he owecinhan yin kta na yuotapi kta, tokel Okolakiciye tanka icage cin iyecel, maka ihanke kin hehanyan he yuwicakapi ee.

WOONSPE IAKENONPA

Wicaša Wakan Obe Yamni

W. Okolakiciye Wakan kin he awanyakapi na oitancan tawa kašniğapi kta wankantanhan wookihi wicakupi kin hena tuwepi he.

A. Wahošiye Wakan akenonpa kin hena eepi.

W. Jesus kini ohakab wahošiye tawa kin tokel ewicakiye he.

A. "Mašpiya ekta na maka akal wowašake ataya maqupi." "Ate unaši he iyecel miš yecišipi."

W. Wotanin wašte oyakapi kta nakun tuwe Jesus wicakašniğa he.

A. Unkan Itancan kin toktokeca na wotanin wašte oyagwicaci. ca wikeemna šakowin wicakašniğa na wotanin wašte ayagwicaci. (Luke 10: 1.)

W. Hecel hena on wicaša wakan obe kin el obe tonakeca he.

A. Obe yamni;—Jesus Okolakiciye Wakan pa kin; Wahošiye Wakan kin, obe inonpa kin, na wikeemna šakowinpi, obe iyamni kin hee.

W. Tohinna Wahošiye kin hena wankantanhan weokihi kin he icupi he.

A. Pentecost anpetu qon Woniya Wakan awicahinhe eiqon he ehan

W. Jesus wankan kigle cin ohakab taku tokaheya econpi.

A. Judas wahtani qon on tohe yuhe kta he Matthias kašniğapi na yuwakanpi kin ee.

W. Nakun taku wanji iyececa se econpi he.

A. Diakon šakowin wicakašniğapi. (Ohan. 6: 1-7)

W. Hecel lena on obe tonakeca pi he.

A. Yamni. Wahošiye Wakan kin hena tokahanpi, Christ wankan iyaye cin ohakam obe tokaheya kin eepi; Waonspekiya wikeemna šakowin obe inonpa eepi; qa Diakoni šakowin kin, obe iyamni eepi.

W. Wahošiye kin nakun taku econpi he.

A. Otonwe iyohi en Presbyter (Hunkayapi) kašniğapi.

W. Obe iyamni kin on token St. Paul eya he.

A. Unkan Okolakiciye kin el Wakantanka kakelkel ewicagle, tokaheya wahošiye (yewicašipi) kin hena, na iyokihe Wokeanpi, qa icuyamni kin waonspekiyapi. 1 Korinth 12: 25.

W. St. Paul Philippi oyate wowapi wicakicage cin wicowoyake tokaheya na oegle tokaheya el obe yamni kin wicaka he.

A. Ho. "Palos na Timotheos (Wahošiye) heca. Philippi ekta Jesus Christ el owotanla un kin hena, na Bishop, Episcopos (wawanglake) cin hena, Diakon (ookiye) nupi ko."

W. Wahošiye ni unpi icunhan obe yamni kin hena tokel eaje yuhapi he.

A. Obe tokaheya kin he Apostles (wahošiye) ewicakiyapi, obe inonpa kin he Bishop (Episcopos) Presbyter qaiš Elder (Hunkayapi) ewicakiyapi na obe iyamni Diakon (ookiye) ewicakiyapi.

W. Wahošiye tapi ohakab toketu he.

A. Tona Wahošiye tohepi yuhapi kin hena Bishop eaje kin icupi na hetanhan wicacaje kin le, tokel itokab obe inonpa eaje wanji on cajewicayatapi qon icinonpa on cajewicayatapi šni ee.

W. Leon Theodoret, Cyprus el Bishop un qon tokel eya he.

A. Lecel eya, "Onhanketa tona Apostles (Wahošiye) tawicohan yuhapi kin hena Apostles wicacaje kin he tona tokaš hecapi kin he eaje gluhapi kta, na tuwe tawicohan yuhapi kin hena Bishop ewicakiyapi."

W. Hecel Wahošiye tapi iyohakab obe yamni kin he tokel ewicakiyapi he.

A. 1 Bishop, 2. Presbyter, naiš Priests, na 3. Diakon.

W. Ignatius, St. John onspekiye na Antioch el Bishop un qon tokel eya he.

A. He iyecel oyasin, Diakon kin, na Presbyter kin, na Bishop kin hena Ateyapi iyecelya wicayunihanpi nūnwe; lena wanice cinhan Okolakiciye wanica, eya.

WOONSPE IAKKEYAMNI

Wicaša Wakan el Obe Yamni Nakun

W. Ehanni wowapi kağapi qon otokahetanhan obe yamni kin on waayataninpi he.

A. Ho, wicakeya na wicalapica waayataninpi.

W. Wahošiye Wakanpi nipi qon wanji iyehan ni na iyotan hein owa na yatanin kin he tuwe he.

A. Ignatius Antioch el Bishop kin he, Johannes waonspekiya tawa wan, na iye Bishop kağe cin hee.

W. Ignatius Martyr heca he.

A. Ho, waniyetu wikeemna šaglogan qon kašapi na Wanikiya tawa anakihme kte šni on, wotece wohitike tebyapi kta Rome ekta ayapi.

W. Rome ekta ya icunhan toketu he.

A. Otonwe wan Smyrna eciyapi el hi. Hel takolaku Polycarp, otonwe kin he el Bishop un kin, na iš eya Johannes waonspekiya heca, he wanyaka.

W. Ignatius el un icunhan taku econ he.

A. Wowapi topa owa; na otonwe wanji tokeca, Troas el hi qon nakun tokeca yamni owa; lena Polycarp pahi na lehanyan wowapi kin hena unyuhapi.

W. Wowapi kin lena taku cajeyatapi he.

A. Wicaša Wakan obe yamni kin lila cajeyatapi.

W. Ignatius, Smyrna oyate wowapi wicakicage cin el tokel eya he.

A. Bishop okinihan nitawapi Presbyter nitawapi na Diakon nitawapi nape wicablaze.

W. Ignatius, Trallia oyate kin tokel ewicakiya he.

A. "Bishop kin he, Presbyter kin hena, na Diakon kin hena anawicagoptan po. Bishop hena cola taku econpi šni po;" na ake "Tuwe Bishop, Presbyter na Diakon kin hena cola taku econ kin canteoyuze kin el owotanla šni ee" eya.

W. Ignatius, Smyrna Okolakiciye kin wowapi kicage cin el obe yamni kin on tokel eya he.

A. "Tona Bishop tawapi kin, Presbyter na Diakon kin ob anawicagoptanpi kinhan minagi okope šni wicaga un ce."

W. Clement, Alexandria etanhan, waniyetu opawinge tokaheya el leon tokel eya he.

A. "Woope ota na yawapica šni se yukan, na letanhan hunh Bishop iyowajapi, na hunh Presbyter iyowajapi na hunh Diakon iyowajapi."

W. Omaka opawinge inonpa el, Irenaeus, Lyons el Bishop un kin, Bishop owecinhan upi kin on tokel eya he.

A. "Okolakiciye kin el tona Bishop wicakašniğapi qon wicunkiyawapi unkokihi, hetanhan lehanyan" eya.

W. Le on Irenaeus taku sanpa eya he.

A. Wahošiye Wakanpi (Apostles), tona wahošiye wookihi tawapi wicakupi kte cin, taku owasin el owotanla unpi kta cinpi.

W. Nakun Irenaeus taku yuhapi keya he.

A. Bishop wicohan owecinhan icupi kin, wowicake wawicakupi wicaka agna icupi, Ateyapi towašte kin ognayan.

W. Clement, Rome el Bishop un qon, omaka opawinge tokaheya icunhan, Bishop wicohan on tokel eya he.

A. "Wahošiye Wakan kin hena, Bishop wicohan on woakinice yu-kin kta slolyapi, heon etanhan iye wicaša wicakašniğapi, na lena tapi kta eca tokel wicaša toktokeca tohepi ogna unpi kta he oyasin econwicašipi" heya.

WOONSPE IAKETOPA

Ordination—Wicaša Wakan Wicakağapi.

W. Token Wicaša Wakan wicakağapi he.

A. Wocekiye on na Apostoloi (lehan Bishop ewicakiyapi kin) nape awicaputakapi kin on.

W. Palos tuwe iecala Timotheos Ephesos el unkiye na Wicaša Wakan wicohan qu qon tokel eciya he.

A. "Miye etanhan taku nayahon qon, wicota yaotaninpi qon, hena wicaša wacinyepiea, (na) tona tokel onspewicakiya okihi (kte) cin, hena wicagu yo." (2 Tim. 2: 2.)

W. Titos Krete el Bishop un kta Palos kağe eiqon iš eya tokel eciya he. (Titos 1: 1-5.)

A. "He etanhan Krete el yankeciši, taku tona yušanpi šni kin hena wiyeya eyagnake kta, na otonwe otoiyo el hunkayapi (Presbyters) wicayakage kta e on."

W. Oegle kin le taku pazo he.

A. Hunkayapi (Presbyter) wicaša tokeca heca wicakağapi okihi šni he pazo.

W. St. Paul Presbyter kin he na tokel iwahokonwicakiya he. (Ohan. 20: 28.)

A. Heon tanyan piiciya po, na optaye oyasin el, (on) Woniya Wakan waawanglake nicagapi kin hena koya, na Okolakiciye Wakan wolkiya po.

W. Lecen yamnikiya wahokonwicakiye eiqon, tuktel itokeca aya-bleza he.

A. Ho: Bishop unpi kin Okolakiciye oyasin awanyakapi, na Hunkayapi (Presbyter) wicakağapi; na Hunkayapi (Presbyter) kin hena iwaniciglakapi kta na optaye tawapi awanyakapi kta.

W. Timotheos na Titos, tokel Palos econ wicaši he.

A. "Ohankoya tuweni nape apu-take šni yo; Hunkayapi (Presbyter) kin hena wicadasupi qa iyopewicayayapi; wicaša waakinica (heretic) heyab iyeya yo."

W. Letanhan taku unkiyukanpi kta he.

A. Hunkayapi (Presbyter) kin hena tokeca wicakağapi, qa kiciyasupi kta okihi unkanš tohinna Palos, Timotheos Titos kici hecel econ wicaši kte šni kta, he unkiyucanpi.

W. Wicaša wakan obe yamni kin etanhan unma tukte wicaša wakan wicakağa okihi he.

A. Bishop kin hena, obe tokanhanpi kin he iyepi.